



古文读本

第一集（修正版）

马来西亚中华文化教育中心 主编



中国水利水电出版社
www.waterpub.com.cn



古文读本

第一集（修正版）

马来西亚中华文化教育中心 主编



中国水利水电出版社
www.waterpub.com.cn

内 容 提 要

本书系马来西亚中华文化教育中心选编的古文读本，内容涉及修身、治学、齐家、为政的精髓，并在附录部分收录了德育故事绪余，涵盖孝、悌、忠、信、礼、义、廉、耻八个方面。书中所选文章为童蒙养正之必读篇目，道德教育之必备素材，文化弘传之必学经典，故倍受仁人志士所推崇。

图书在版编目（CIP）数据

古文读本：修正版. 第1集 / 马来西亚中华文化教育中心主编. -- 北京：中国水利水电出版社，2011.9
ISBN 978-7-5084-9030-4

I. ①古… II. ①马… III. ①汉语—古代—启蒙读物
IV. ①H194.1

中国版本图书馆CIP数据核字(2011)第198759号

书 名	古文读本 第一集（修正版）
作 者	马来西亚中华文化教育中心 主编
出版发行	中国水利水电出版社 (北京市海淀区玉渊潭南路1号D座 100038) 网址: www.waterpub.com.cn E-mail: sales@waterpub.com.cn 电话: (010) 68367658 (发行部)
经 售	北京科水图书销售中心 (零售) 电话: (010) 88383994、63202643、68545874 全国各地新华书店和相关出版物销售网点
排 版	中国水利水电出版社微机排版中心
印 刷	北京瑞斯通印务发展有限公司
规 格	145mm×210mm 32开本 3.5印张 70千字
版 次	2011年9月第1版 2011年9月第1次印刷
印 数	0001—3500册
定 价	10.00元

凡购买我社图书，如有缺页、倒页、脱页的，本社发行部负责调换

C 目录

CONTENTS

周文 1

郑伯克段于鄢 左传 隐公元年 1

石碏谏宠州吁 左传 隐公三年 2

曹刿论战 左传 庄公十年 3

介之推不言禄 左传 僖公二十四年 4

楚归晋知罃 左传 成公三年 4

论学习 论语 5

论孝悌 论语 10

论忠信 论语 11

论礼义 论语 12

论廉耻 论语 13

君子安而不忘危 14

孟子节录 16

秦文 20

冯谖客孟尝君 战国策 20

汉文 23

礼运大同篇 礼记 23

学记 礼记 23

五帝本纪赞 史记 26

项羽本纪赞 史记 27

孔子世家赞	史记	27
管晏列传	史记	28
说苑节录		30
诫兄子严敦书	马援	44
前出师表	诸葛亮	45
诫子书	诸葛亮	47

六朝文 48

陈情表	李密	48
归去来兮辞	陶渊明	49

唐文 51

谏太宗十思疏	魏征	51
陋室铭	刘禹锡	52
杂说四	韩愈	52
师说	韩愈	53
祭十二郎文	韩愈	54

宋文 57

严先生祠堂记	范仲淹	57
岳阳楼记	范仲淹	58
义田记	钱公辅	59
才德论	资治通鉴	60
训俭示康	司马光	61
朋党论	欧阳修	63
泷冈阡表	欧阳修	65
留侯论	苏轼	67
前赤壁赋	苏轼	69
后赤壁赋	苏轼	70
三槐堂铭	苏轼	71

上枢密韩太尉书 苏辙 72

黄州快哉亭记 苏辙 74

明文 76

卖柑者言 刘基 76

尊经阁记 王守仁 77

训蒙大意 王守仁 79

清文 81

左忠毅公逸事 方苞 81

原君 黄宗羲 82

与友人论学书 顾炎武 84

师心自用 刘开 86

为学一首示子侄 彭端淑 86

勤训 李文炤 87

病梅馆记 龚自珍 87

原才 曾国藩 88

附录 90

德育故事绪余 90

周文

郑伯克段于鄢

左传 隐公元年

初，郑武公娶于申，曰武姜。生庄公及共叔段。庄公寤生，惊姜氏，故名曰寤生，遂恶之。爱共叔段，欲立之。亟请于武公，公弗许。及庄公即位，为之请制。公曰：“制，岩邑也。虢叔死焉，佗邑唯命。”请京，使居之，谓之京城大叔。

祭仲曰：“都城过百雉，国之害也。先王之制：大都，不过参国之一；中，五之一；小，九之一。今京不度，非制也，君将不堪。”公曰：“姜氏欲之，焉辟害？”对曰：“姜氏何厌之有！不如早为之所，无使滋蔓！蔓，难图也。蔓草犹不可除，况君之宠弟乎？”公曰：“多行不义必自毙。子姑待之。”

既而大叔命西鄙、北鄙贰于己。公子吕曰：“国不堪贰，君将若之何？欲与大叔，臣请事之；若弗与，则请除之，无生民心。”公曰：“无庸，将自及。”大叔又

收贰以为己邑，至于廩延。子封曰：“可矣！厚将得众。”公曰：“不义不暱，厚将崩。”

大叔完聚，缮甲兵，具卒乘，将袭郑。夫人将启之。公闻其期，曰：“可矣！”命子封帅车二百乘以伐京。京叛大叔段，段入于鄢。公伐诸鄢。五月辛丑，大叔出奔共。

书曰：“郑伯克段于鄢。”段不弟，故不言弟。如二君，故曰克。称郑伯，讥失教也。谓之郑志，不言出奔，难之也。

遂寘姜氏于城颍，而誓之曰：“不及黄泉，无相见也！”既而悔之。

颍考叔为颍谷封人，闻之。有献于公，公赐之食。食舍肉，公问之。对曰：“小人有母，皆尝小人之食矣，未尝君之羹，请以遗之。”公曰：“尔有母遗，繄我独无！”颍考叔曰：“敢问何谓也？”公语之故，且告之悔。对曰：“君何患焉？若阙地及泉，隧而相见，其谁曰不然！”公从之。公入而赋：“大隧之中，其乐也融融！”姜出而赋：“大隧之外，其乐也泄泄！”遂为母子如初。

君子曰：“颍考叔，纯孝也。爱其母，施及庄公。诗曰：‘孝子不匮，永锡尔类。’其是之谓乎！”

石碏谏宠州吁

左传 隐公三年

卫庄公娶于齐东宫得臣之妹，曰庄姜，美而无子，卫人所为赋《硕人》也。又娶于陈，曰厉妫，生孝伯，

早死。其娣戴妫，生桓公，庄姜以为己子。

公子州吁，嬖人之子也。有宠而好兵，公弗禁，庄姜恶之。

石碏谏曰：“臣闻爱子，教之以义方，弗纳于邪。骄、奢、淫、佚，所自邪也。四者之来，宠禄过也。将立州吁，乃定之矣；若犹未也，阶之为祸。夫宠而不骄，骄而能降，降而不憾，憾而能眴者，鲜矣。且夫贱妨贵，少陵长，远间亲，新闻旧，小加大，淫破义，所谓六逆也；君义，臣行，父慈，子孝，兄爱，弟敬，所谓六顺也。去顺效逆，所以速祸也。君人者，将祸是务去，而速之，无乃不可乎？”弗听。

其子厚与州吁游，禁之，不可。桓公立，乃老。

曹 刖 论 战

左传 庄公十年

春，齐师伐我。公将战，曹刖请见。其乡人曰：“肉食者谋之，又何间焉？”刖曰：“肉食者鄙，未能远谋。”乃入见。问何以战？公曰：“衣食所安，弗敢专也，必以分人。”对曰：“小惠未徧，民弗从也。”公曰：“牺牲、玉帛，弗敢加也，必以信。”对曰：“小信未孚，神弗福也。”公曰：“小大之狱，虽不能察，必以情。”对曰：“忠之属也，可以一战。战，则请从。”

公与之乘，战于长勺。公将鼓之，刖曰：“未可。”齐人三鼓，刖曰：“可矣。”齐师败绩。公将驰之，刖曰：“未可。”下视其辙，登轼而望之。曰：“可矣。”遂

逐齐师。

既克，公问其故。对曰：“夫战，勇气也。一鼓作气，再而衰，三而竭。彼竭我盈，故克之。夫大国，难测也，惧有伏焉。吾视其辙乱，望其旗靡，故逐之。”

介之推不言禄

左传 僖公二十四年

晋侯赏从亡者，介之推不言禄，禄亦弗及。

推曰：“献公之子九人，唯君在矣。惠、怀无亲，外内弃之。天未绝晋，必将有主。主晋祀者，非君而谁？天实置之，而二三子以为己力，不亦诬乎？窃人之财，犹谓之盗；况贪天之功，以为己力乎？下义其罪，上赏其奸；上下相蒙，难与处矣。”其母曰：“盍亦求之？以死，谁怵？”对曰：“尤而效之，罪又甚焉！且出怨言，不食其食。”其母曰：“亦使知之，若何？”对曰：“言，身之文也。身将隐，焉用文之？是求显也。”其母曰：“能如是乎？与汝偕隐。”遂隐而死。

晋侯求之不获，以绵上为之田，曰：“以志吾过，且旌善人。”

楚归晋知罃

左传 成公三年

晋人归楚公子谷臣与连尹襄老之尸于楚，以求知罃。于是荀首佐中军矣，故楚人许之。

王送知罃曰：“子其怨我乎？”对曰：“二国治戎，臣不才，不胜其任，以为俘馘。执事不以衅鼓，使归即戮，君之惠也。臣实不才，又谁敢怨？”王曰：“然则德我乎？”对曰：“二国图其社稷，而求纾其民，各惩其忿，以相宥也。两释累囚，以成其好。二国有好，臣不与及，其谁敢德？”王曰：“子归，何以报我？”对曰：“臣不任受怨，君亦不任受德。无怨无德，不知所报？”王曰：“虽然，必告不谷。”对曰：“以君之灵，累臣得归骨于晋。寡君之以为戮，死且不朽。若从君之惠而免之，以赐君之外臣首。首其请于寡君，而以戮于宗，亦死且不朽。若不获命，而使嗣宗职，次及于事，而帅偏师，以修封疆。虽遇执事，其弗敢违，其竭力致死，无有二心，以尽臣礼，所以报也！”王曰：“晋未可与争。”重为之礼而归之。

论 学 习

论语

子曰：“学而时习之，不亦说乎？有朋自远方来，不亦乐乎？人不知而不愠，不亦君子乎？”（学而第一）

子曰：“弟子入则孝，出则弟，谨而信，泛爱众，而亲仁。行有余力，则以学文。”（学而第一）

子夏曰：“贤贤易色；事父母能竭其力；事君能致其身；与朋友交言而有信。虽曰未学，吾必谓之学矣。”（学而第一）

子曰：“君子不重则不威，学则不固。主忠信。无

友不如己者。过则勿惮改。”（学而第一）

子曰：“君子食无求饱，居无求安，敏于事而慎于言，就有道而正焉，可谓好学也已。”（学而第一）

子曰：“吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。”（为政第二）

子曰：“学而不思则罔，思而不学则殆。”（为政第二）

子曰：“由，诲女知之乎？知之为知之，不知为不知，是知也。”（为政第二）

子张学干禄。子曰：“多闻阙疑，慎言其余，则寡尤。多见阙殆，慎行其余，则寡悔。言寡尤，行寡悔，禄在其中矣。”（为政第二）

子贡问曰：“孔文子何以谓之‘文’也？”子曰：“敏而好学，不耻下问，是以谓之‘文’也。”（公冶长第五）

颜渊、季路侍。子曰：“盍各言尔志？”子路曰：“愿车马、衣轻裘，与朋友共，敝之而无憾。”颜渊曰：“愿无伐善，无施劳。”子路曰：“愿闻子之志。”子曰：“老者安之，朋友信之，少者怀之。”（公冶长第五）

子曰：“十室之邑，必有忠信如丘者焉，不如丘之好学也。”（公冶长第五）

哀公问：“弟子孰为好学？”孔子对曰：“有颜回者好学，不迁怒，不贰过。不幸短命死矣，今也则亡，未闻好学者也。”（雍也第六）

冉求曰：“非不说子之道，力不足也。”子曰：“力

不足者，中道而废。今女画。”（雍也第六）

子曰：“知之者不如好之者，好之者不如乐之者。”（雍也第六）

樊迟问知。子曰：“务民之义，敬鬼神而远之，可谓知矣。”问仁。曰：“仁者先难而后获，可谓仁矣。”（雍也第六）

子曰：“君子博学于文，约之以礼，亦可以弗畔矣夫！”（雍也第六）

子曰：“述而不作，信而好古，窃比于我老彭。”（述而第七）

子曰：“默而识之，学而不厌，诲人不倦，何有于我哉？”（述而第七）

子曰：“德之不修，学之不讲，闻义不能徙，不善不能改，是吾忧也。”（述而第七）

子曰：“加我数年，五十以学《易》，可以无大过矣。”（述而第七）

子曰：“若圣与仁，则吾岂敢？抑为之不厌，诲人不倦，则可谓云尔已矣。”公西华曰：“正唯弟子不能学也。”（述而第七）

子曰：“三年学，不至于谷，不易得也。”（泰伯第八）

子曰：“笃信好学，守死善道。危邦不入，乱邦不居，天下有道则见，无道则隐。邦有道，贫且贱焉，耻也；邦无道，富且贵焉，耻也。”（泰伯第八）

子曰：“学如不及，犹恐失之。”（泰伯第八）

达巷党人曰：“大哉孔子，博学而无所成名。”子闻

之，谓门弟子曰：“吾何执？执御乎，执射乎？吾执御矣。”（子罕第九）

子曰：“譬如为山，未成一簣，止，吾止也！譬如平地，虽覆一簣，进，吾往也！”（子罕第九）

子曰：“可与共学，未可与适道；可与适道，未可与立；可与立，未可与权。”“唐棣之华，偏其反而。岂不尔思？室是远而。”子曰：“未之思也，夫何远之有？”（子罕第九）

子路使子羔为费宰。子曰：“贼夫人之子！”子路曰：“有民人焉，有社稷焉，何必读书，然后为学？”子曰：“是故恶夫佞者。”（先进第十一）

樊迟请学稼。子曰：“吾不如老农。”请学为圃。曰：“吾不如老圃。”樊迟出。子曰：“小人哉，樊须也！上好礼，则民莫敢不敬；上好义，则民莫敢不服；上好信，则民莫敢不用情。夫如是，则四方之民，襁负其子而至矣；焉用稼！”（子路第十三）

子曰：“古之学者为己，今之学者为人。”（宪问第十四）

子曰：“莫我知也夫！”子贡曰：“何为其莫知子也？”子曰：“不怨天，不尤人；下学而上达。知我者，其天乎！”（宪问第十四）

卫灵公问陈于孔子。孔子对曰：“俎豆之事，则尝闻之矣；军旅之事，未之学也。”明日遂行。（卫灵公第十五）

子曰：“赐也，女以予为多学而识之者与？”对曰：“然，非与？”曰：“非也！予一以贯之。”（卫灵公第十

五)

子曰：“不曰‘如之何，如之何’者，吾末如之何也已矣！”（卫灵公第十五）

子曰：“吾尝终日不食，终夜不寝，以思；无益，不如学也。”（卫灵公第十五）

子曰：“君子谋道不谋食。耕也，馁在其中矣；学也，禄在其中矣。君子忧道不忧贫。”（卫灵公第十五）

孔子曰：“生而知之者，上也；学而知之者，次也；困而学之，又其次也；困而不学，民斯为下矣！”（季氏第十六）

陈亢问于伯鱼曰：“子亦有异闻乎？”对曰：“未也。尝独立，鲤趋而过庭。曰：‘学《诗》乎？’对曰：‘未也。’‘不学《诗》，无以言。’鲤退而学《诗》。他日，又独立，鲤趋而过庭。曰：‘学《礼》乎？’对曰：‘未也。’‘不学《礼》，无以立。’鲤退而学《礼》。闻斯二者。”陈亢退而喜曰：“问一得三：闻《诗》，闻《礼》，又闻君子之远其子也。”（季氏第十六）

子之武城，闻弦歌之声，夫子莞尔而笑曰：“割鸡焉用牛刀？”子游对曰：“昔者，偃也闻诸夫子曰：‘君子学道则爱人；小人学道则易使也。’”子曰：“二三子！偃之言是也。前言戏之耳！”（阳货第十七）

子曰：“由也，女闻六言六蔽矣乎？”对曰：“未也。”“居！吾语女：好仁不好学，其蔽也愚；好知不好学，其蔽也荡；好信不好学，其蔽也贼；好直不好学，其蔽也绞；好勇不好学，其蔽也乱；好刚不好学，其蔽也狂。”（阳货第十七）

子曰：“小子！何莫学夫诗？诗：可以兴，可以观，可以群，可以怨；迩之事父，远之事君；多识于鸟、兽、草、木之名。”（阳货第十七）

子夏曰：“日知其所亡，月无忘其所能，可谓好学也已矣！”（子张第十九）

子夏曰：“博学而笃志，切问而近思；仁在其中矣。”（子张第十九）

子夏曰：“百工居肆以成其事；君子学以致其道。”（子张第十九）

子夏曰：“仕而优则学，学而优则仕。”（子张第十九）

卫公孙朝问于子贡曰：“仲尼焉学？”子贡曰：“文武之道，未坠于地，在人。贤者识其大者，不贤者识其小者，莫不有文武之道焉。夫子焉不学，而亦何常师之有？”（子张第十九）

子曰：“不知命，无以为君子也；不知礼，无以立也；不知言，无以知人也。”（尧曰第二十）

论 孝 悌

论语

有子曰：“其为人也孝弟，而好犯上者鲜矣。不好犯上，而好作乱者，未之有也。君子务本，本立而道生。孝弟也者，其为仁之本与！”（学而第一）

孟懿子问孝。子曰：“无违。”樊迟御，子告之曰：“孟孙问孝于我，我对曰：‘无违。’”樊迟曰：“何谓

也？”子曰：“生，事之以礼；死，葬之以礼，祭之以礼。”（为政第二）

子夏问孝。子曰：“色难。有事，弟子服其劳；有酒食，先生馔。曾是以为孝乎？”（为政第二）

或谓孔子曰：“子奚不为政？”子曰：“《书》云孝乎！‘惟孝，友于兄弟。’施于有政，是亦为政，奚其为为政？”（为政第二）

子曰：“父在观其志，父没观其行。三年无改于父之道，可谓孝矣。”（学而第一）

孟武伯问孝。子曰：“父母唯其疾之忧。”（为政第二）

子游问孝。子曰：“今之孝者，是谓能养。至于犬马，皆能有养；不敬，何以别乎？”（为政第二）

曾子曰：“吾闻诸夫子：‘孟庄子之孝也，其他可能也，其不改父之臣与父之政，是难能也。’”（子张第十九）

论 忠 信

论语

子以四教：文、行、忠、信。（述而第七）

曾子曰：“吾日三省吾身：为人谋而不忠乎？与朋友交而不信乎？传不习乎？”（学而第一）

子夏曰：“贤贤易色，事父母能竭其力，事君能致其身，与朋友交，言而有信。虽曰未学，吾必谓之学矣。”（学而第一）